

sanct cratten wegen Personen oder Bulerey, Schatz vnd Gelt 2c. antreffend.

## Der Fünffte Thail.

Von etlichen Zufallen des Jahr/Calenders  
vnd Menschen.

**W**As ein jeden sein eigene angeborne oder gewöhnliche  
Branchheit antrifft/ rath ich nit in windt zu schlagen / sonder auß seiner  
Genitur so es sein kan auch art seiner Complexion vnnnd Qualitet der Jahr  
zeyt/ vornemblich gebrechen/ so extraduce als Podagra/Stein/vnd der gleichen von  
Eltern herkhommen / mit rath Gelerter Arzgt wol erkünde vnd gute fürsehung  
thue/ dann die vniuersalis Revolution kan nicht einem jeden indiuiduo ein Particu-  
laritet andeuten. Das gewitter ist im Calender ordentlich angezeigt vnd sol also ver-  
standen werden / das es das Viertel auß dazu es verzeichnet ist den mehrern theil  
also wittern werde/ nicht so gar gnaw auff alle stunden des gantzen Viertels / so  
habe ich auch offi angemelt das die reuolution allein wenig dienet zu Coniectaris-  
ren, vberfluß oder müßwachsung traid vnd anderer frücht/ derhalben die Monats-  
lich wütterung wie sie einer jeden sorten diene auch sonderlich wol zu betrachten.

Das aber offi im Winter oder sonst zu vngelegner zeyt das zaichen gut Pflanz-  
gens gesetzt ist/ beschicht in vnsern Lande alhie von des Weingarts bau/ sonderlich  
von schneidens wegen.

Wann die Noth Aderlassen erfordert / sol ein Brancker nicht warten auff ein  
gut laßzaichen/ So es aber in seiner wahl steht/ mag ers dahin anstellen wan ein  
gut zaichen ist/ dan die erwehlung die Natürllich vrsach habn vnd den Signis Medis-  
corum gmäß sein nicht zuuerwerffen. Aber die Electiones die auff glück deuten/  
new Kleider anzulegen / glücklich mit grossen Herzen zu reden/ vnnnd andere ders  
gleichen / sein nicht allein kindisch alter Weiber thädung/ sonder auch wider die  
vernunft bey den Philosophis, im Spaz Goues oder zum höchsten verboten.

## Der Sechste Thail.

Von ab vnd zuechtung des Tags auff Viertel stund in vnserem Lande  
de/durchs ganze Jahr zimlich gnaw auff gmain vnd Schaltjahr zuuersehen.

**J**an Zenner/ ist der erste tag 8. stund ein halb Viertel lang/  
Der sechste 8. stund vnd 1. viertel/ Der fünffzehend 8. stund ein halbe/ Der  
Einvndzwainzigist 8. stund 3. Viertel/ Der Siebenvndzwainzigist 9. stund.

Im Hornung hat der Ander tag 9. stund 1. viertel/ der Siebend 9. stund ein halbe/  
Der Fülffte 9. stund 3. Viertel/ Der Sechzehend 10. stund/ Der Zwainzigist  
10. stund 1. viertel / Der Viervndzwainzigist 10. stund ein halb / Der Achtvnd  
zwainzigist 10. stund 3. Viertel.

Im Mertzzen helt der Dritte tag 11. stund / Der Achte 11. stund 1. viertel/ Der  
Dreyzehende 11. stund ein halbe/ Der siebenzehend 11. stund 3. viertel / Der Eins-  
vndzwainzigist 12. stund vnnnd ist tag vnnnd nacht gleich / Der fünff vnd zwains-  
zigist 12. stund 1. viertel / Der Dreissigist 12. stund ein halbe.

Im Aprill helt der Dritte tag 12. stund 3. viertel/ Der siebend 13. stund/ Der  
Fülffte

Eylffte 13. stund 1. viertel/ Der funffzehend 13. stund ein halb/ Der Zwainzigist 13. stund / 3. viertel / Der funffvndzwainzigist 14. stund / Der Dreyssigist 14. stund ein viertel.

Im Mayen hat der Vierde tag 14. stund ein halbe / Der Neend 14. stund 3. viertel/ Der Vierzehend 15. stund/ Der Ainvndzwainzigist 15. stund 1. viertel / Der Achtvndzwainzigist 15. stund ein halbe.

Im Brachmonat ist der fünffte tag 15. stund 3. viertel/ der zwayvndzwainzigist 15. stund 56. minut. vnd ist der lengste tag.

Im Hermonat helt der Acht tag 15. stund 3. viertel/ Der sechzehende 15. stund ein halbe/ Der Drey vnd zwainzigist 15. stund 1. viertel/ Der Dreyssigist 15. stund.

Im Augustmonat ist der Vierde tag 14. stund 3. viertel lang/ Der Neunde 14. stund ein halbe/ Der Dreyzehend 14. stund 1. viertel/ Der Achzehend 14. stund/ Der Dreyvndzwainzigist 13. stund 3. viertel/ Der Achtvndzwainzigist 13. stund ein halbe.

Im Herbstmonat hat der Erste tag 12. stund ein viertel / Der fünffte 13. stund/ Der Zehend 12. stund 3. viertel/ Der Vierzehend 12. stund ein halb/ Der Achzehend 12. stund 1. viertel/ Der Dreyvndzwainzigist 12. stund/ vnd ist Tag vnd Nacht gleich/ Der siebenvnd zwainzigist 11. stund 3. viertel.

Im Weinmonat helt der Ander tag 11. stund ein halbe/ Der sechste 11. stund 1. viertel/ Der Zehend 11. stund/ Der Vierzehend 10. stund 3. viertel / Der Achzehend 10. stund ein halbe / Der Dreyvndzwainzigist 10. stund ein viertel/ Der sibenvndzwainzigist 10. stund.

Im Wintermonat hat der Erste tag 9. stund 3. viertel / Der fünffte 9. stund ein halbe/ Der Zehende 9. stund 1. viertel/ Der sechzehend 9. stund/ Der Zwayvndzwainzigist 8. stund 3. viertel / Der Achtvndzwainzigist 8. stund ein halbe.

Im Christmon ist der siebend tag 8. stund vnd ein viertel lang/ Der Dreyvndzwainzi 8. stund 4. minut. ist der kurtzest tag.

Wer wissen wil wie lang die Nacht ist/ der ziehe die stund vnd viertel der Tag leng von 24. stund bleibt ihm die Nachtleng/ Als zum Exempel/ Der 6. tag Januarij ist 8. stund vnd 1. viertel lang/ diß von 24. abgezogen / läßt 15. stund 3. viertel so lang ist die Nacht.

Wer wissen wil wenn die Sonn vnder geht/ der theile die tagleng in zway theil/ so hat er was er zu wissen begert. Exempel/ Der sechste tag Januarij ist lang 8. stund ein viertel / Diß halb ist vier stund ein halb viertel/ so lang geht nach Mits tag die Sonn vnter.

Wer wissen wil wann die Sonn auffgehet/ der theile die Nachtleng in zway theil/ Das eine halb thail zeigt jme die zeit Auffgangs der Sonnen/ Als den 6. tag Januarij ist oben erfunden die Nacht 15. stunde 3. viertel lang/ diß halbiert gibts 7. stund 3. viertel vnd ein halbs/ zu dieser zeyr geht denselben tag nach vnser Vhr die Sonne auff.

Mit Röm. Kay. Mt. K. Gnad vnd Freyheit nach-  
druckten verboten.

Gedruckt zu Wienn in Östereich/ durch Michael Apffel zum grünen Kofle in der Schuelstrassen.

